

識緯溯源原上

陳榮

識緯中所載迷信之說，前古多有之。〔別詳拙譏「論識緯與古代思想之關係」。〕然前古雖亦有此迷信，不可謂此卽識緯也。〔此處承孟真師啓示。〕所謂識緯，槃以爲當溯原於騶衍及其燕齊海上之方士。史記孟荀列傳言：

騶衍睹有國者益淫侈，不能尚德，若大雅整之於身，施及黎庶矣，乃深觀陰陽消息而作怪迂之變，終始大聖之篇十餘萬言。其語闊大不經，必先驗小物，推而大之，至於無垠。先序今以上至黃帝，學者所共術，大並世盛衰，因載其禩祥度制，推而遠之，至天地未生，窈冥不可考而原也。先列中國名山、大川、通谷、禽獸、水土所殖，物類所珍，因而推之及海外，人之所不能睹。稱引天地剖判以來五德轉移，治各有宜，而符應若茲。以爲儒者所謂中國者，於天下乃八十一分居其一分耳。中國名曰赤縣神州，赤縣神州內自有九州，禹之序九州是也。不得爲州數。中國外如赤縣神州者九，乃所謂九州也，於是有裨海環之，人民禽獸莫能相通者，如一區中者，乃爲一州。如此者九，乃有大瀛海環其外，天地之際焉。其術皆此類也。然要其歸必止乎仁義節儉，君臣上下六親之施。始也濫耳。王公大人初見其術，懼然顧化，其後不能行之。於是騶子重於齊。適梁，梁惠王郊迎。〔胡適之先生云，騶衍大抵與公孫龍同時，不及見梁惠王。——詳中國哲學史大綱上頁三五六。〕適趙，平原君側行，櫛席。昭王擁彗先軀，身親往師之。〔顏剛師云：騶遊燕，大約不在昭王初立時。——詳五德終始說下的政治和歷史第二章。〕作主運。〔槃按：上云終始

大聖之篇十餘萬言，此云作主運，似是二書。封禪書云，論著終始五德之運，則是將終始五德及主運二者合而一之。蓋二書名雖不同，內容則一。集解引如淳曰，今其書有五德終始。文選魏都賦注引七略曰，鄒子有終始五德。而漢書藝文志所著錄者則鄒子四十九篇，鄒子終始五十六篇。各家所見又互異如此。】

如孟荀列傳所述騶書內容，則與吾人現在所見之識緯，並無二致，謂史公所述即爲整部識緯之大綱扼要，未嘗不可。（詳後。）後來呂氏春秋之所謂「綠圖」及燕齊海上方士盧生等〔盧生，燕人，而其入海則齊地。封禪書直以燕齊海上方士爲辭，可知此等方士是一流人，地域雖殊，性質無別。〕所奏上之「綠圖書」，即從騶書蛻變而出。呂氏春秋二十觀表篇曰：

人亦有徵，事與國皆有徵。聖人上知千歲，下知千歲，非意之也，蓋有自云也。綠圖幡薄，從此生矣。

按：此之所謂「綠圖」與盧生等之所謂「錄圖書」，蓋同爲方士所託。所謂識書，此其溯也。史記秦始皇本紀曰：

三十二年，始皇巡北邊，從上郡入，燕人盧生使入海還，以鬼神事，因奏錄圖書，曰，亡秦者胡也。〔正義，鄭玄曰，胡，胡亥也，秦二世名也。秦見圖書，不知此爲人名，反備北胡。槃按：此事湊巧。胡之爲中國患，舊矣。意者騶書其要歸於仁義節儉，君臣上下六親之施以及黎庶，由是而託之圖書，蓋主文譎喻，本在備北胡，後來秦竟以胡亥亡，迷信之輩傅合其事，遂謂圖書有靈。恐託圖書者始料固不及此。〕擊匈奴，略取河南地。此始皇三十二年之「錄圖書」，方士所奏上，即方士所飾。呂氏春秋中之「綠圖」不言託之方士，知其實爲一類書者，因呂氏書常引用騶氏終始五德之說。騶固爲方士所祖，「錄圖書」即從此而出。呂氏書既樂道騶說，〔詳後「終始大聖之篇與河圖對照表」「備考」文。〕又稱「錄圖」之所以「生」，故知此「綠圖」與騶衍之徒燕齊海上方士所奏之「錄圖書」是同一性質之書矣。

「錄圖」或稱「錄圖書」，亦名「河圖」，〔以下並賓稱「河圖」。〕故秦本紀曰，「錄圖書曰，亡秦者胡。」而論衡實知篇以爲「亡秦者胡，河圖之文。」

〔別詳本刊第十本第三分拙譏「古識緯書錄解題四種」「綠圖」篇。〕始皇之爲人也，好大喜功，既并天下矣，則冀萬世長享與夫神仙方道。方士所託河圖，以爲唯受命天子能有之，故曰，「河圖，命紀也，圖天地帝王終始存亡之期，錄代之矩」。〔文選永明十一年策秀才文李注引尚書璇璣鈐。按：緯書零准聽曰，「顧命云，天球，河圖在東序。天球，寶器也。河圖，本紀圖帝王終始存亡之期」。——文選褚淵碑文李注曰，王隱晉書引。——據此，知尚書璇璣鈐此條爲不完之文。又，此云河圖，是指周之河圖。實則周之河圖與方士所託之河圖，完全二事。方士此說，應視爲自道其書。周之河圖，不如是也。說見下。〕又曰，「天子執圖書。諸侯得之，大權成」。〔同上晉紀總論注引春秋演孔圖。〕此正始皇所求之而不得者，於是河圖遂應時出矣。

復次，尚書璇璣鈐所謂河圖「圖天地帝王終始存亡之期」，此即騶書之主要內容。騶書得名，亦即以此。今曰「終始」云云，則騶書名義亦在其中矣。所謂「錄代之矩」、「矩」者，成法，此即騶書「先序今以上至黃帝，大並世盛衰，因載其禩祥度制」之用意。河圖與騶書名實相應如此，河圖託於方士，而騶書又爲方士之所祖，此其驗矣。然此不過其一端耳。以河圖與騶書比較，無弗相應者。例如下表。

或質之曰，「綠圖」、「河圖」之目，上世有之，墨子非攻下，「武王伐殷有國，河出綠圖。」書顧命，「河圖在東序。」此其例也。上世既有之矣，何必自海上方士之徒始耶。應之曰，非也。古之所謂河圖，與方士所託之河圖，名同而實則異也。方士之河圖故與騶書名實相應，既如上述，而古河圖不然也。所謂古河圖，蓋寶石之類之有紋理者。歷世傳以爲國寶，故康王之踐阼也，河圖與夷玉，天球之屬，並陳東序。〔參考周書顧命。〕然此河圖之紋，殆甚單簡，故易繫辭雖極言其神，不過曰，「河出圖」，「聖人則之」，以畫八卦。所「則」者固不止一事，「仰則觀象於天，俯則觀法於地，觀鳥獸之文與地之宜，近取諸身，遠取諸物，於是始作八卦」。八卦既簡易矣，而八卦之取「則」於河圖者又如此微乎其微，是故古河圖之爲何物，可知也。〔河圖傳說別詳拙譏「河圖解題」。〕此爲河圖史上一絕大關鍵，明乎此，庶不致爲方士之徒所給。〔桓譚

新論，「識出河圖、洛書，但有兆朕而不可知。後人妄復增加依託」。——意林引——此似亦是謂古河圖與後來之河圖不同，古河圖單簡，但有兆朕。後人之所依託者則吉凶禍福，文辭稠疊。然桓氏此文簡略，義指殆不能確定，則亦不必強人從我。聊復錄之而已矣。〕

方士之所謂河圖，統名也，其篇目則有河圖祕徵，河圖帝覽嬉之等，不下數十事。展轉相襲，蓋不出一人一時之手。封禪書曰：

騶衍以陰陽主運顯於諸侯，而燕齊海上之方士傳其術，不能通，然則怪迂阿諛苟合之徒自此興，不可勝數也。

識緯之書，愈後而篇目愈繁，封禪書此文，即爲其最佳之說明。騶書亡而求之於圖書，火盡薪傳，雖謂騶書不亡，可也。茲爲騶書揭槧宏綱，試與河圖之屬作對照表如下。

終始大聖之篇與河圖對照略表

	河	圖	備考
終始大聖之篇	[識緯諸書，互相剽襲。輯本不完，有 <u>河圖</u> 既闕而他識尙殘存者，低二格書之，不妨合而觀之也。]		
先序今以上至黃帝，學者所共術，大並世盛衰。	<p>黃帝攝政，有蚩尤兄弟八十一人，並獸身人語，銅鐵額，食沙石子，造五兵仗，刀戟，大弩，威振天下。萬民欽命黃帝行天子事。黃帝以仁義，不能禁止蚩尤，乃仰天而嘆。天遣玄女下授黃帝兵符。「史記五帝本紀正義引龍魚河圖。此以下均據黃氏逸書考本移錄，取其便以示例而已。持校逸書考所據原書，間有出入，然無乖大義，校記茲故從略焉。」</p> <p>初，堯在位七十載矣，見丹朱之不肖，不足以嗣天下，乃求賢以異於位，至夢長人見而論治。 〔路史有虞紀引尚書篇。〕</p> <p>〔舜〕麥賜羣臣，爵當有分、稷、契、臯陶、益士地。〔詩崧高序正義引中候考河命。〕</p> <p>〔又〕欽翼皇象，建皇，授政，改朔。〔宋書禮志一引同上。〕</p> <p>夏禹所治四海，內地東西二萬八千里，南北二萬六千里。有君長之州有九阻，中土之文德及而不治。 〔古微書引<u>河圖括地象</u>。〕</p> <p>夏桀無道，殺關龍逢，絕滅皇圖，壞亂厥紀，殘賊天下，賢人逃遁，淫色慢易，不事祖宗。〔御覽皇王部七引尚書帝命驗。〕</p> <p>諸鄒國禡禡負歸德。湯東觀於雒，云寡人憤機。湯降三分壁、沈於雒水。〔北堂書鈔祭祀總載引中候雒子命。〕</p> <p>蒼帝姬昌，日角，鳥鼻，身長八尺二寸，聖智慈理，以成草木之長，而順天時。萬物不失其性，天下不失其時。〔古微書引雒書震准聽。〕</p>	<p>舉例止於三代。列國以下盛衰，文繁不具錄。</p>	

因載其謹祥度
制。

黃帝修兵革，以德行，則黃龍至，鳳皇來儀。〔五行大義論五帝第二引禮含文嘉。〕

黃帝師於風后，風后善於伏羲之道，故推演陰陽之事。〔後漢書張衡傳注引春秋內事。〕

風后曰，予告汝帝之五旗，東子法青龍，曰旗。南方法赤鳥，曰旗。西方法白虎，曰旗。北方法玄蛇，曰旗。中央法黃龍，曰常。〔御覽三四零引河圖。〕帝嘗駢齒，上法日參，乘度成紀，以理陰陽。〔古微書引河圖握短記。〕

堯德匪懈，醴泉出。〔玉海祥瑞門引禮含文嘉。〕

堯將歸功於舜，乃齊戒於河洛，有五老相謂曰，河圖將來，告帝以期。知我者，重瞳黃姚。〔清河郡本引河圖祿運法。〕

有人方面，日衡，重華，握石椎，懷神珠，墮璣，筆衡，以齊七政，歷象日月星辰。正月上日，舜冕終，鳳皇儀，黃龍感，朱草生，黃英孽，西王母授益地圖。〔古微書引雜書靈准聽。〕

禹卑宮室，垂意於溝洫，百穀用成，神龍至，靈龜服，玉女敬養，天賜妾。〔御覽皇王部七引禮含文嘉。〕

禹時，星聚聚如貫珠，炳炳如連璧。〔御覽天部六引孝經鈞命決。〕

帝命伯禹曰，告汝九術五勝之常，吾克之。汝能從之，汝師徒將興。〔說郛五引河圖握短記。〕

桀無道，夏出霜。〔說郛五引尚書帝命驗。〕

紂時，十日雨土於毫，紂卒國滅。〔御覽告徵部四引中候雜師謀。〕

梓化爲柏，以告文王。文王幣告羣臣與發，並拜吉夢。〔清河郡本引中候我應。〕

有鳳皇銜書，游文王之都。書文曰，殷帝無道，虐亂天下。皇命已移，不得復久。靈祇遠離，百神吹去。五星聚房，昭理四海。〔古微書引雜書靈准聽。〕

三代以下謹祥如白虹貫牛山，管仲諫曰，無近姬宮，君恐失權。〔漢書楊賜傳注引春秋文耀鉤。〕之類，例多不具舉。

<p>推而遠之，至天地未生，窈冥不可考而原也。</p>	<p>易有太極，是生兩儀。兩儀未分，其氣混沌。清濁既分，伏者爲天，偃者爲地。〔古徵書引河圖括地象。〕</p> <p>天地未分之前有太易，有太初，有太始，有太素，有太極，是爲五運。形象未分，謂之太易。元氣始萌，謂之太初。氣象之端，謂之太始。形變有質，謂之太素。質形已具，謂之太極。五氣漸變，謂之五運。〔劉仲達鴻書天文部引孝經鉤命決。〕</p> <p>一塊之物，目〔曰〕地。一炁之靈，〔鄭注，——下同——〕萬也。〔名混沌。一氣分萬靈。〕</p> <p>〔靈也，萬性之物，分覺其形體也。〕是上聖鑿破虛無，斷氣爲二，緣物成三，天地之道不靈。〔靈者，息絕。〕黃帝曰，觀上古聖，驅馴元化，〔馴，動也，急也，不住也。〕勞惜萬業，〔音不息。〕徒得爲慇訓，究體諱〔訓，認識也。〕元，肇頤凌湊，作沐懸心，輪薄不息，以啓三光。上飛籥風雨，下流〔突字。〕濟河沱，〔聖人輪薄智惠，頤大道理，開三光明，上羅風雨，下流濟河沱。沱者，江名，若上下不止息也。〕得元氣澄，陰陽正，易大行，萬象生。〔易乾坤鑿度乾鑿度。〕</p> <p>有巨靈者，偏得元神之道，故與元氣一時，生混沌。〔御覽一引通甲開山圖。〕</p> <p>有巨靈胡者，偏得坤元之道，能造山川，出江河。〔文選西京賦注引同上。〕</p>
<p>先列中國名山，大川，通谷，禽獸，水土所殖，物類所珍。</p>	<p>少室之山，大竹堪爲金瓶。〔御覽九六二引孝經河圖。〕</p> <p>少室山有白玉膏，服即成仙。〔事類賦山引河圖。〕</p> <p>流川多積石，名琨瑩石，鍊之成鐵。以作劍，光明如水精。〔史記司馬相如傳注引河圖。〕</p> <p>太湖中洞庭山林屋洞天，即禹藏真文之所，一名包山。吳王闔閭登包山之上，命龍威丈人入包山，得書一卷，凡一百七十四字。〔古徵書引河圖絳象。〕</p> <p>岷崙之墟有五城十二樓，河水出焉，四維多玉。〔古徵書引河圖括地象。〕</p> <p>岐山在岷崙山東南，爲地乳。上多白金。周之興也，鶩鶩鳴於岐山。時人亦謂岐山爲鳳凰堆。〔御覽四十引河圖括地象。〕</p> <p>黃河出自岷崙山東北角剛山東，以流。北流千里，折西而行，至於南山。南流千里，至於華山之陰。東流千里，至於植離。北流千里，至於下津。河水九曲，長者入於渤海。〔清河郡本引河圖祿運法。〕</p>

因而推之及海外，人之所不能睹。

夫九州之外，是爲八裔。八裔，東南興區曰無澤，南方〔曰〕大膏曰浩澤，西南墳資曰丹澤，西方九區曰泉澤，西北大夏曰海澤，北方大冥曰寒澤，東北無通曰南澤，東方大諸曰少澤。夫八裔之外，是爲八紘，東南大窮曰衆女，〔舊注——下同——陰氣內蓄，陽氣始生，故多衆女。〕西南都廣曰反戶，〔戶皆南向，居此之下，戶相迎設，故曰反戶。〕西南焦饒曰炎土，〔焦饒，人之最小者。炎土，火也。〕正西金丘曰沃野，西北一目曰沙所，〔沙所，掘土而居也。〕北方積冰曰委羽，〔委羽，羽者，受其極陰之氣則不能飛。其人不織而衣，不耕而食，蓋壽域之地。〕東北和丘曰荒土，東方棘林曰柔野，〔東方有扶桑之樹，日出則桑顚雞鳴而天曙，故名柔野。〕夫八紘之外，是爲八極。八極之弘，東西二億三萬三千里，南北二億三萬一千五百里。〔清河郡本引河圖括地象。〕
 龍池之山，四方高，中央有池，方七百里。羣龍居之。多五華樹，羣龍食之。去會稽四萬五千里。〔清河郡本引同上。〕
 丁零之民，地寒，穴居，食土及禽獸之肉。神丘有火，光照千里。去鄉鄧三萬里。〔同上。〕
 天毒國，最大暑熱，夏草木皆乾死。民惡熱，善沒水以避暑。將暑，入寒泉之下。〔御覽三四引同上。〕
 大人國，其民孕三十六年而生兒。生兒長大，能乘雲。蓋龍類。去會稽四萬八千里。〔御覽三六，引同上。〕
 崑崙以西得焉波國，有人長一丈，大九尺，跂龜蛇，戴朱鳥，左憑青龍，右按白虎，知河海斗斛，識山石多少，通天下鳥獸言語，明百穀草木滋味甘苦，名爲無不達。〔清河郡本引河圖玉版。〕

和引天地剖判以來，五德轉移，而符應若茲。

黃帝名軒，北斗黃神之精。母，地祇之女附寶，之郊野，大電繞斗樞，星耀，感附寶，生軒。胸文曰，黃帝子。〔御覽七九引河圖捷短記。〕

黃帝起，大蛇見。〔古徵書引河圖。〕

擣杌之神，見於鄖山。有人牽白狼銜鈞而入商朝。金龜將盛，銀自山溢。〔古徵書引洛書靈準聽。〕

白鳩，成湯時至。〔釋史商紀引禮含文嘉。〕文王比隆興，始霸，伐崇，作靈臺，受赤雀丹書，稱王制命，示王意。〔詩大雅文王正義引易是類謀。〕

武王赤鳥，穀芒應。周尚赤。〔詩思文正義引禮緯。〕

終始五德次序，據文選魏都賦注引七略曰，「鄒子有終始五德，從所不勝，土德後，木德繼之，金德次之，火德次之，水德次之。」其事甚略。孟荀傳集解引如淳曰，「今其書有主運，五行相次轉用事，隨方向爲服。」呂氏春秋應同篇曰，「凡帝王者之將興也，天必先見祥乎下民，黃帝之時，天先見大蠶、大螻。黃帝曰，土氣勝。土氣勝，故其色尚黃，其事則土。及禹之時，天先見草木秋冬不殺。禹曰，木氣勝。木氣勝，故其色尚青，其事則木。及湯之時，天先見金刃生於水。湯曰，金氣勝。金氣勝，故其色尚白，其事則金。及文王之時，天先見火，赤鳥銜丹書集於周社。文王曰，火氣勝。火氣勝，故其色尚赤，其事則火。」馬國翰曰，案文選魏都賦李善注引七略云云，呂覽所述，蓋鄒子佚文也。〔玉函山房輯佚鄒子。〕梁按，識緯遺文，唯夏爲木德說無可考，其餘三德，故有可以與呂氏春秋相印證者，馬說不誤。又按封禪書，「始皇已并天下而帝，或曰，黃帝得土德，黃龍，地蠶見。夏得木德，青龍止於郊，草木暢茂。殷得金德，銀自山溢。周得火德，有赤鳥之符。今秦變周，水德之時。於是秦更命河日德水，色上黑。」此說始皇者，方士之流。所據者，鄒書。呂氏春秋與識緯之說，亦出鄒子之徒，故爾三者切合。封禪書又云，「騶子之徒論著終始五德之運，及秦帝而齊人奏之，故始皇采用之。」方士之說原本騶書，此其明證矣。

<p>以爲儒者所謂中國者，於天下乃八十一分居其一分耳。中國名曰赤縣神州，赤縣神州內自有九州，禹之序九州是也。不得爲州數。中國外如赤縣神州者九，乃所謂九州也。於是宥海環之，人民禽獸莫能相通者，如一區中者，乃爲一州。如此者九，乃有大瀛海環其外，天地之際焉。</p>	<p>天有九部，八紀。地有九州，八柱。〔初學記引河圖。〕凡天下有九區，別有九州。中國九州名赤縣神州，即禹之九州也。上云九州，八柱，即大九州也，非禹貢赤縣小九州也。〔同上。〕玄州，在北海中，地方三千里，去南岸十萬里。上有玄〔著〕，玄澗。澗水如蜜味，服之長生。〔御覽地部二四引龍魚河圖。〕流州，在西海中，地方三千里。上多山川積石，名爲昆吾石。治其石如鐵，作劍，光明四照，洞如水精。以割玉，如土，劍神名飛揚。〔御覽三四四引同上。〕□州，在南海中，地方三千里。多檀木，可治爲弓。鳥見之則號。弓之神名典張。〔清河郡本引同上。〕</p>
<p>驕衍諸有國者益淫侈不能尚德，若大雅整之於身，施及黎庶矣。乃深觀陰陽消息而作怪迂之變。要其歸必止乎仁義節儉，君臣上下六親之施。</p>	<p>孝順二親，得算二千天。司祿所表事，賜算中功。〔古微書引河圖。〕謀道吉，謀德吉。能行此大吉，受天之慶也。〔文選白雉詩李善注引同上。〕帝貪則政暴而吏酷，酷則誅深，必殺，生蝗蟲。〔續漢書五行三引河圖祕徵。〕王無德則虎牛尾，無口目，名曰亂朝。〔占經一一六引河圖說徵。〕帝失德，政不平，則月生足。〔古微書引河圖祕徵。〕</p>

燕齊方士所託之書，本自驕衍，蓋無疑義。其不同之點則唯驕衍以游談著書，而方士之徒則「以鬼神事」。又其書亦經方士改換增飾，不曰「終始大聖之篇」，不曰「主運」，而曰「綠圖」，或曰「錄圖書」。或曰「河圖」。若直曰驕衍之書，則不足以神其事而惑時君矣。

驕衍之書，除終始五德爲燕齊方士改飾作圖書外，又有仙方書，亦爲方士所傳，糅雜圖書之中。此仙方書名曰「重道延命方」，漢書劉向傳曰：

淮南有枕中鴻寶苑祕書，書言神僊使鬼物爲金之術，及驕衍重道延命方，世人莫見，而更生父德武帝時治淮南獄得其書。〔補注，劉奉世曰，案：德待詔丞相府，年三十餘，始元二年事也。淮南事元朔六年。是時德甫數歲。先謙曰，德傳言治劉澤詔獄，是也。此因向得淮南書而附會，已詳德傳。〕更生幼而讀誦，自爲奇，獻之，言黃金可成。

驕氏此書今不傳，意其書曰「重道延命方」，則其主旨蓋言神仙延命之道，亦卽丹沙化黃金之屬。彼時方士言神仙長生之術，以言內容，不過此類事物，〔詳後。〕故劉向以二書並獻之，以爲「黃金可成」也。

所謂丹沙，黃金，今所傳識緯輯本，猶有遺跡。孝經援神契曰：

巨勝延年，威喜辟兵。〔抱朴子十一仙藥。〕

巨勝，威喜並草藥，以與金液等合煉之，則成丹金，所謂延年辟兵，其效乃見。抱朴子金丹篇詳之，曰：

以金液爲威喜，巨勝之法，取金液及水銀一味合煮之，三十日出，以黃土甌盛，以六一泥封，置猛火炊之，六十時，皆化爲丹。服如小豆大，便仙。以此丹一刀圭粉，〔御覽九八五引有和字。〕水銀一斤，卽成銀。又取此丹一斤，置火上扇之，化爲赤金而流，名曰丹金。以塗刀劍，辟兵萬里。以此丹金爲盤椀，飲食其中，令人長生。

以抱朴子仙藥篇證援神契此文，然後援神契所言之事物及其梗概，始得瞭解。二書之說，淵源則一，但或詳，或闕，有不同耳。所謂淵源，則故當上溯驕氏之重道延命方及其徒方士。鑄作黃金以爲飲食器則長生，方士言之。〔詳下。〕劉向傳述驕氏重道延命方唯言使鬼物爲金，無制器明文，似抱朴子與方士合，而與驕

書微異者，其實非也。若使止於化黃金而已，與長生何涉，故知必以黃金爲飲食器如其徒方士之所云也。然則向傳雖未明言，而騶書以黃金爲器之意，可推而求之也。謂騶氏此書「世人莫見」，亦非也。觀於封禪書可知也。書曰：

自齊威、宣之時，騶子之徒論著終始五德之運，及秦帝而齊人奏之，故始皇採用之，而宋毋忌，正伯僑，充尚，羨門子高，最後皆燕人，爲方僊道，形解銷化，依於鬼神之事。騶衍以陰陽主運顯於諸侯，而燕齊海上之方士傳其術，不能通。然則怪迂阿諛苟合之徒自此興，不可勝數也。自威、宣、燕、昭使人入海求蓬萊，方丈，瀛州，此三神山者，其神在渤海中，去人不遠，患且至，則船風引而去。蓋嘗有至者，諸仙人及不死之藥皆在焉。其物禽獸盡白，而黃金銀爲宮闕。及至秦始皇并天下，至海上，則方士之言，不可勝數。

又曰：

少君言上〔武帝〕曰，祠竈則致物，致物而丹沙可化爲黃金，黃金成以爲飲食器則益壽，益壽而海中蓬萊僊者乃可見，見之以封禪則不死，黃帝是也。於是天子始親祠竈，遣方士入海求蓬萊，安期生之屬，而事化丹沙諸藥齊爲黃金矣。

統觀以上諸事，可以得一端緒，即秦漢之際，宣傳不死之方者皆方士。方士之說，本自騶衍，終始五德之運，其主要書也。重道延命方，騶之餘緒，而方士並傳之，故有「以鬼神事因奏錄圖書」之舉。所謂鬼神事，如封禪書所記，不過海上神仙，與夫黃金，丹沙，封禪之屬，騶所著重道延命方正是此類書。此書今雖亡佚，然當時方士所傳，其遺意不妨於識緯中求之。秦皇、漢武求仙封禪，日不暇給，既方士有以迷惑之，方士所據，明爲騶書，可知所謂「騶衍以陰陽主運顯於諸侯，而燕齊海上之方士傳其術」者，是并指重道延命方，不僅終始五德而已。封禪書言，齊威、宣，燕昭並敬事騶衍，嘗使人入海求蓬萊等三神山。及始皇并天下，至海上，方士之徒又紛紛言其事。武帝時，而李少君等更效之。蓋由騶衍而盧生，而李少君等方士，一貫相傳如此。識緯書言海上仙山今可考見者，止春秋說題辭一條曰，「蓬萊山爲巨鼈所負」。〔五行大義論禽蟲第二四引。〕蓋今

所傳識緯本佚書之遺，殆初本繁衍，後來軼之，亦未可知。幸而此三山之神話，僞列子中尚保存一二，湯問篇曰：

〔夏〕革曰，渤海之東，不知幾億萬里，有大壑焉，實惟無底之谷。其中有五山焉，一曰岱輿，二曰員嶠，三曰方壺，〔注，一曰方丈。〕四曰瀛洲，五曰蓬萊。其山高下周旋二萬里。其頂平處九千里。山之中間，相去七萬里，以爲鄰居焉。其上臺觀皆金玉。其上禽獸皆純縞。珠玕之樹皆叢生華實，皆有滋味，食之皆不老，不死。所居之人皆仙聖之種。而五山之根，無所連著，常隨潮波上下往還，不得頓峙焉。仙聖毒之，訴之於帝。帝恐流於西極，失羣聖之居，乃命禺彊，使巨鼈十五，舉首而戴之。

此可以補充識緯之脫佚。湯問中亦說及騶衍事，蓋篇中仙山之說與識緯書之言仙山者，大氐同一淵源騶衍，故詳略雖有不同，而條貫初無二致，不妨作識緯讀之。河圖云，「玄洲在北海中，潤水如蜜，服之長生」。遁甲開山圖云，「南溟之山，金堂玉室。上無元氣，實茲元化」。又云，「遼東有襄平山，多饒鬼目之菜，生而有神虎，龍蛇，大魚守之，雲氣覆之。食之，令人不死」。此類並所謂海上仙山。識緯書仙山之說多有之，又不獨蓬萊，方丈，瀛洲而已。

初余之讀識緯也，見其爲書，所包者至廣，至博，雖極不相涉之事亦兼收並畜，如言九州地理，遠古歷史，人倫道義，神仙封禪之屬，與夫所謂禍福預言之識，比傅經義之緯，循名覈實，全無關係。又每一事一說，往往諸書重出，辭費不已。頗不解其何以致此。今知其書原本騶衍，騶書如此，則由此而產生之識緯，自無怪其然耳。至識緯所以多雷同者，則由於騶子之徒「傳其術」者「不可勝數」，而增益比傅效法圖書者又如王桓二君之言，按：王充論衡實知篇曰：

神怪之言，皆在識記。所表，皆效圖書。

桓譚疏曰：

諸巧慧小才技數之人，增益圖書，矯稱識記。〔後漢書本傳。〕

據此知吾人今日所見之識緯，直是騶書之無數化身變象，「怪迂阿諛苟合」者實繁有徒，則此類之書亦層出而不窮，或剽竊互襲，或增飾依託，不一而足，故其書自

亦不免大同小異也。朱彝尊曰「河圖括地象其言雖夸，然大抵本騶衍大九州之說」。〔經義考證緯二。〕顏剛師曰，識緯導源於騶衍一派之思想。〔五德終始說下的政治和歷史第三章。〕按：騶書無乎不包，師云騶衍一派之思想，未有明確義界，但以上下文推之，知蓋指騶主要思想五德轉移之說。實則所謂識緯，不過騶書之改頭換面，固不僅大九州與五德終始說而已。

疑者曰，識緯之書，千頭萬緒，統而理之，不外天人之際，而天官之事，尤爲占候萬事萬物之樞機，故曰，「人主含天光，據機衡，齊七政，操八極」。〔春秋感精符。〕又曰，「天子靈臺，所以觀天人之際，陰陽之會也。揆星度之驗，徵六氣之瑞應，原神明之變化，覩日氣之所驗，爲萬物獲福於無方之原」。〔禮含文嘉。〕識緯「談天」，皆原原本本出於古之太史，〔包括星、曆、卜、祝。此類皆史官統之，故月令曰，「孟冬，命太史釁龜策卜兆，審吉凶」。識緯書言天占，大氏皆有來歷，比校天官書可以知之。此處不具舉。〕太史者，專官世業，王制所謂「不貳事，不移官」，龜策傳所謂「父子疇官，世世相傳」，王者之所重也。騶子既非史官，不典臧室，其文其事，何所依據。子謂識緯原出騶衍，毋乃非耶。曰，不然，「幽、厲之後，周室微，陪臣執政，史不記時，君不告朔，疇人子弟分散，或在諸夏，或在夷狄，禩祥廢而不統」，天官書言之矣。「雖父子疇官，世世相傳，精微深妙，多所散失」，龜策列傳言之矣。史官既失其統，流傳民間，騶衍博物，據而著書，更無可疑，故史記曆書以爲「戰國並爭，未遑念斯，是時獨有騶衍明於五德之傳而散消息之分」矣。

疑者又曰，騶子終始五德之傳，自呂氏史遷以下，公私之家，頗亦著錄。〔詳上。〕子言方士之徒剽襲騶書以爲識緯，十目所視，十手所指，方士之徒，其誰欺乎。曰，此風氣使然。先秦兩漢諸子百家之書，雷同互襲，其例非一。呂覽，淮南，則集舊之大成者也。當時視之，曾不爲異，於識緯乎何有。抑且歷史上一種新思想之發生暨其與時銷逝，此思想本身之價值，初不居重要關係，唯視客觀之是否需要。如其需要，則臭腐亦神奇矣。不然，則雖復創通大道，無所用之。是故識緯在當日之所以能惑人，實政治、社會迫切需要有以使然，於此之時，只有迷信，初無理智。又況識緯之家巧於文飾，善能傅會，使人初不易感

覺其作僞。習非成是，積重難反，自非明智，孰能辨之。若夫在上者則方利用此爲統治工具，唯恐人疑之。「桓譚以不善識流亡，鄭興以遜辭僅免，」〔後漢書張衡傳。〕則亦誰敢辨之。

疑者又曰，圖書之屬原本騶書，孳乳寢盛，旣聞命矣，而張衡博洽，乃以爲始聞於成、哀之後。

後漢書本傳，識書始出，蓋知之者寡。自漢取秦，用兵力戰，功成業遂，可謂大事。當此之時，莫或稱識。若夏侯勝，眭孟之徒，以道術立名，其所述著，無識一言。劉向父子領校祕書，閱定九流，亦無識錄。成、哀之後，乃始聞之，則知圖識成於哀、平之際。

豈其非邪。曰，張衡之言，不爲無因，然而未得其實。蓋當時識書，皆祕內府，宣帝時，霍山移寫祕書，至於坐罪。〔山太夫人顯常夢第中井水流溢諸異，又有鼠鶴諸怪，舉家憂慮，山蓋感此而有移寫祕書之事。——參考漢書霍光傳。〕見者蓋寡，故張氏云耳。然其流傳之跡，固有可考者，即如錄圖書，始皇本紀以爲燕方士所奏，校以封禪書及今所傳之識緯內容，原流本末，旣歷歷不爽，知史公於此等處並非妄作，則秦漢之際，旣有識書矣。此其一。秦皇，漢武，求仙，封禪，以及二代受命，改正，易服之議，蔚然爲思想迷信之主流，載籍所記，其辭繁多。此說皆方士所扇。今所傳識緯，猶存其說，即是當時方士遺書也。是謂秦漢之際，不必有識書之名，旣有識說流傳播衍，可也。〔陸賈新語本行，夫子「周流天下，無所合意，大道隱而不舒，羽翼摧而不申。自□□□，深受其化，以厚終始。追治去事，以正來世，案紀圖錄以知性命，乃天道之所立，大義之所行也」。明誠，「易曰，天垂象，見吉凶，聖人則之。天出善道，聖人得之。言御占圖歷之變，下衰風化之失，以匡衰盛，紀物定世」。據此，高帝之世，錄圖書之說，未嘗不行，故陸賈引之以指陳得失。今所傳陸賈之書，雖非復舊觀，然如此類之說，必有所據，以其切合時事知之也。〕此其二。賈誼新書修政語上有綠圖〔卽河圖〕之說。鵬賦亦曰，「異物來萃兮，私怪其文。發書占之兮，識言其度」。今河圖有「烏一足，名獨立，見則主勇強」。〔御覽四三三。〕等說。賈君所見，卽此類書也。淮南說山訓，「六畜生多耳目

者，不詳〔祥〕，識書著之」。今河圖有「羔羊四耳，目下，腋下，名孽。見卽有起王」。〔占經一九羊咎徵。〕等說，蓋其遺文也。西京早年亦有識書，此其三。隋書經籍志識緯類敍曰：

漢世又詔東平王蒼正五經章句，皆命從識。俗儒趨時，益爲其學，篇卷第目，轉加增廣。言五經者，皆憑識爲說。唯孔安國，毛公，王璜，賈逵之徒獨非之，相承以爲妖妄，亂中庸之典。〔按：孔氏，毛公皆當景武時。孝景「不任儒者」，今言二君非憑識說經，蓋在武帝之世。〕

此與漢書眭兩夏侯京翼李傳贊之言可以互證。贊曰：

漢興，推陰陽，言災異者，孝武時有董仲舒，夏侯始昌。昭、宣時則眭孟，夏侯勝。元、成則京房，翼奉，劉向，谷永。哀、平則李尋，田中術。此其納說時君著明者也。察其所言，彷彿一端。假經設誼，依託象類，或不免乎僥倖則屢中。

京房精能識緯，淵原有自，譙敏碑亦言之。經義考說緯曰：

識緯之書，相傳始於西漢哀、平之際，而小黃門譙敏碑稱其先故國師譙贛〔延壽〕深明典奧識錄圖緯，能精微天意，傳道與京明君〔房〕。則識緯遠本於譙氏，京氏也。

然則，隋志俗儒憑識之說，不謬也。〔今輯佚之書，董氏有春秋災異，董仲舒占，京房有易緯，易候，易鈔，劉向有劉向識等，世皆以爲識緯書。其間憑依僞附，諒亦不免，要不失爲諸君研習識緯之一種暗示。〕西京中世旣有識緯書，此其四。高祖斬白帝子，神母夜哭，入關之際，五星聚東井，及高祖受命等種種傳說，今識書多有之，蓋方術之徒阿諛苟合託之以媚上者。此燕齊方士奏錄圖書之故技也。所謂「神怪之言，皆在識記，所表皆效圖書」，此亦一端也。史記漢書之高祖本紀，固旣據以著錄，卽張衡東京賦亦侈言高祖「應籙受圖，順天行誅」矣。今忽曰，西京之初，莫或稱識。但顧稱情而言，何渠善忘耶。四庫書目古微書提要曰：

考劉向七略不著緯書，然民間私相傳習則自秦以來有之，非唯盧生所上見史記秦本紀，卽呂不韋十二月紀稱，某令失則某災至，伏生洪範五行傳稱某事

失則某微見，皆識緯之說也。漢書儒林傳稱孟喜得易家候陰陽災變書，尤其明證。荀爽謂起自哀、平，據其盛行之日言之耳。

提要以爲時至哀、平，然後盛行，非謂起自哀、平，此說差爲公允矣。然謂前此之日，止於民間私相傳習，則猶有未考者也。

顧炎武氏推而上之，據趙世家有「秦識」之言，以爲識之興，實始於此。眞日知錄三十圖識。」蓋又不然。趙世家曰：

簡子疾，五日不知人。大夫皆懼。醫扁鵲視之。扁鵲曰，血脈治也而何怪。在昔秦繆公嘗如此，七日而寤。寤之日，告公孫支與子輿曰，我之帝所，甚樂。吾所以久者，適有學也。帝告我，晉國將大亂，五世不安。其後將霸，未老而死。霸者之子且令而國男女無別。公孫支書而藏之，秦識於是出矣。獻公之亂，文公之霸，而襄公敗秦師於殽，而婦縱淫，此子之所聞也。今主君之疾，與之同。居二日半，簡子寤，語大夫曰，我之帝所，甚樂。有一熊，欲來援我，帝命我射之，中熊，熊死。又有一熊來，我又射之，中熊，熊死。帝甚喜，賜我二笥，皆有副。吾見兒在帝側。帝屬我一翟犬，曰，及而子之壯也，以賜之。帝告我，晉國且衰，七世而亡。嬴姓將大敗周人於范魁之西，〔正義曰，嬴、趙姓也。周人，謂衛也。晉亡之後，趙成侯三年，衛取都鄙七十三，是也。〕而亦不能有也。今余思虞舜之勳，適余將以其胄女孟姚配而亡七世之孫。〔索隱曰，卽娃嬴，吳廣之女。姚，姓。孟，字也。七代孫，武靈王也。〕董安於受言而藏之。他日，簡子出，有人當道，辟之不去。當道者曰，吾有欲謁於主。從者以聞，簡子召之，曰，譖，吾有所見子晰也。〔索隱曰，簡子見當道者，乃寤曰，嘻，是吾故吾前夢所見者，知其名曰子晰也。〕當道者曰，主君之疾，臣在帝側。簡子曰，然，有之。當道者曰，帝主君射熊與鼴，皆死。簡子曰，是且何也。曰，晉國且有大難，主君首之。帝令主君滅二卿。夫熊與鼴，皆其祖也。〔正義曰，范氏，中行氏之祖也。〕簡子曰，帝賜我二笥，皆有副，何也。曰，主君之子，將克二國於翟，皆子姓也。〔正義曰，謂代及智

氏也。】簡子曰，吾見兒在帝側，帝屬我一翟犬，曰，及而子之長，以賜之。夫兒何謂以賜翟犬。曰，兒，主君之子也。翟犬者，代之先也。主君之子，且必有代。及主君之後嗣，且有革政而胡服，并二國於翟。簡子問其姓而延之以官，當道者曰，臣野人，致帝命耳。遂不見。簡子書藏之府。

今按：趙世家此文，亦猶左傳豫言並著應驗之類，無疑爲好事者所增飾。抑或由於家譜世錄故意渲染，亦有可能。不可信左傳當時確有此等記錄，謂趙世家之所謂秦讖與趙簡之讖爲當時事實，亦可笑。漢書揚雄傳，「莽既以符命自立，即位之後，欲絕其原，以神前事」。蓋古人旣迷信神道，而狡猾之野心家卽因神道爭政，以誣其民，而杜絕覬覦者之念。唐書楊嗣復傳，「文宗問，人傳符讖之語，自何而來。嗣復對曰，只如班彪王命論所引，蓋矯意以止賊亂」。可謂一語破的矣。所謂秦讖與趙簡之讖，不過如此。分明欲神趙簡託言，而引喻秦讖者，藉此比重，若曰自古有之耳。騶衍以前，無所謂「讖」。曰「秦讖」云云，史公於時習見讖書，〔抑或史公以後人所竄改，亦未可知。〕以其類似，遂爾稱之曰「秦讖」耳。〔封禪書云，「史書而記，藏之府，而後世皆曰，秦繆公上天」。史書而記藏之府，亦是後來託辭。後世皆言秦繆上天，傳會其事者亦遂以此爲秦讖爾。〕非繆公之世旣有「秦讖」之名也。檢風俗通六國篇作「秦策於是出」。「秦讖」云云之非舊，蓋可知也。夫後出之辭，非有左證，固不可據以爲典要，不然則孝經緯云，「夏時兩日並出，讖曰，桀無道，兩日照」。〔占經日占二。〕據此，則夏桀之時旣有「讖」矣，何必「秦讖」哉。〔古書中此例甚多，如詩、書、禮、樂、易、春秋之名「經」，蓋最早於莊子天運篇見之，而依託讖緯者乃有「萬形經」，「蓍成經」之等，——並見易緯乾坤鑿度——並云伏羲以上聖人之經矣。一種名辭，習聞久之，故用之有不知其然而然耳。〕然則顧氏之論非矣。

或曰，子所言者讖也，卽如錄圖書，後人故以爲讖，賈誼，淮南以暨隋志及漢書傳贊之所稱引，亦止於讖。譙敏碑雖兼言讖緯，然治此學者之譙贛，京房，按其時代，約略不過宣、元之世，是緯固後出於讖也。子乃云讖緯皆當溯原騶

書，有說乎。曰，子所言者，名也。槃所辨者，實也。識緯固同實異名，不過得名有早晚之別耳。識之與緯，以今日之所能見者，大氏內容無甚相遠，詳略之間雖互有不同，合而觀之，首尾差得具備。識緯是一非二，此爲堅證，則余前文旣言之矣。原夫識之所以得名，以錄圖書卽河圖之屬，其要以驗爲主。「識」，「驗」聲近義同，故由「驗」轉而稱「識」。因世主尊經，時勢需要，引識解經，因復有「緯」。「緯」者，對「經」而言，蓋方士化之博士儒生善以作僞，巧立名目。然名稱雖可由人改易，而其實質故自不變。余故曰，識緯當溯原騷書，蓋推本言之也。拙譏「識緯釋名」於此說爲詳，今不復贅。

識緯起原之說衆矣，或曰，始於太古，〔劉師培識緯論。〕或曰周世，〔任道鎔緯攜敍。〕或曰春秋之季，〔古微書雜書緯。〕或以爲孔子，〔後漢書蘇竟傳，荀悅申鹽俗嫌篇，等。〕或曰七十子之徒。〔錢大昕潛研堂文集卷九，王鳴盛蛾術編識緯等。〕此類傳會迷信之說，蓋有所蔽。固不足辨。兩胡，張氏以爲濫觴易卜，胡寅氏曰：

識書原於易之推往以知來。周家卜世得三十，卜年得八百，此知來之的也。易道既隱，卜筮者溺於考測，必欲奇中，故分流別派，其說寢廣。要之，各有以也。〔文獻通考經籍考引。按胡氏以左傳中之卜筮爲例，此例不實，說旣見上。〕

張惠言氏易緯略義敍曰：

緯者，其原出於七十子之徒，相與傳夫子之微言，因以識陰陽五行之序，災異之本也。蓋夫子五十學易而知天命。

胡玉縉氏緯史論徵序曰：

天垂象，見吉凶，聖人象之。河出圖，洛出書，聖人則之。是卽緯學之濫觴。

俞正燮則以爲太史所記，癸巳類稿書開元占經日錄後曰：

嘗論古緯書爲馮相，保章從太史所記靈臺候簿，故曰緯候，識候。

此皆似是而其實非也。識緯之爲識緯，古思想之淵海也。於古思想與識緯之間爲承先啓後之爲者，則騷衍其人也。故識緯之內容，並不限於易卜與夫靈臺候

望之術。以二者爲識緯中主要思想之一部分則可，謂既統攝無遺則不可。〔別詳拙譏「論識緯與古代思想之關係」。〕不爾則識緯中有經說焉，有百氏之說焉，孰爲君臣，誰爲高下。起原之說，誰適而可乎。

識緯與騁書之關係，個人之所見者如此。至於後來增益，寢多於前。其文其事亦有可資鉤稽者，則續篇詳焉。

民國三十一年十月六日脫稿，時流寓西川南溪李莊之栗峯。